



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. D. Magistri Petri Lombardi Novariensis Episcopi  
Parisiensis. Sententiarvm Libri IV. quibus vniuersæ  
Theologiæ summa continetur**

**Petrus <Lombardus>**

**Mogvntiæ, 1632**

Si Christus vbicunque est, homo sit. B

**urn:nbn:de:hbz:466:1-38829**

quia anima à carne diuisa erat. Propter separati-  
onē animæ à carne mortuus, sed propter vtriusque  
semper secum vnionē homo. Non a. sic erat homo,  
vt ex anima & carne simul iunctis subsisteret. Ex  
qua ratione dicitur aliquis alius homo, & ipse for-  
tè ante mortē, hoc etiam modo erat homo, & post  
resurrectionē fuit. In morte vero homo erat tan-  
tum propter animæ & carnis secum vnionem, &  
mortuus propter inter illa duo diuisionem.

*Si Christus in morte erat homo alicubi, & si vbi-  
que sit, homo sit.*

Hic quæritur, si Christus in morte alicubierat  
homo: & si vbiunque est, homo sit. Ad quod dici-  
mus, quia non vbiunque erat, homo erat: nec mo-  
do vbiunque est, homo est: quia vbiq; est secundum  
deitatem, nec vbiq; homo, quia non vbiq; homini  
vnitus: sed vbiunque est secundum hominem, ibi  
homo est. Tempore autem mortis, & vbiq; erat se-  
cundum Deum, & in sepulchro secundum homi-  
nem, & in inferno secundum hominē, sed in infer-  
no secundum animam tantum, & in sepulchro se-  
cundum carnē tantum. In sepulchro ergo erat ho-  
mo, quia humanitati vnit<sup>9</sup> erat, & si non toti, quia  
carni tantum: & in inferno erat homo, quia hu-  
manitati vnitus, sed nō toti, quia animæ tantum.  
Sed si in inferno animæ tantū, & in sepulchro car-  
ni tantum vnitus erat: ergo nec in inferno vnitus  
erat animæ & carni, nec in sepulchro. Quomodo  
ergo ibi vel hic homo esse dicitur? Quæ est ratio di-  
cti? Quia vna eademq; vnione vnitus erat animæ  
in inferno, & carni in sepulchro. Et sic erat illis  
duob. tunc separatis vnitus, sicut ante separatio-  
nem, i. ante mortem. Ad hoc autem opponitur. Si  
Christus animam tantum vel carnem tantum as-  
sumpsisset, non fuisset verus homo, sed propter v-  
triusq; assumptionem verus homo fuit. Sic ergo  
vbi carnem & animam sibi vnitam non habebat,

verus

verus homo ibi nō erat. Sed tempore mortis nusquam illa duo verè vnita habeat, quia nec in sepulchro, nec in inferno, nec alibi: nusquam ergo erat homo. Ad quod dicimus, quia Christus vtrique verus homo non fuisset, si carnē & animam non assumpsisset. Sed tamen quia ex quo assumpsisset, neutrum deposuit, sed cum vtroque eandē vnionem indefinenter tenuit, quam assumendo contraxit: ideo non incongruè vbiunque animæ vel carni, vel vtrique vnitus est, ibi homo esse dicitur, quia ibi humanatus est. Ergo & in sepulchro erat homo & in inferno erat homo: quia vtroque humanatus erat Christus, & vnā eandemque cum anima & carne, licet separatis, habebat vnionem: & vno eodemque tempore in sepulchro iacuit Christus, & ad infernum descendit: sed in sepulchro iacuit secundum solam carnem, & in infernum descendit secundum solam animam. Vnde Aug. Quis non est derelictus in inferno? Christus: sed in anima sola. Quis iacuit in sepulchro? Christus: sed in carne sola, quia in his singulis Christus est. Christum in his omnibus confitemur, & singulis. Ex his euidenter ostenditur. Quod carni iacenti in sepulchro vnitus erat Christus, sicut animæ in inferno. Alioquin si carni mortuæ non esset vnitus, non in ea diceretur iacuisse in sepulchro. Anima ergo ad infernum descendit, caro in sepulchro iacuit sapientia cum vtroque permansit: quæ in inferno positæ, vt ait Ambr. lumen vitæ fundebat æternæ. Radiabat illic lux vera sapientiæ, illuminabat infernum, sed in inferno non claudebatur. Quis enim locus est sapientiæ? de qua scriptum est: Nescit homo vias eius, nec inuenta est inter homines. De qua abyssus dicit. Non est in me: mare dicit. Non est mecum ergo nec in tempore, nec in loco sapientia est: cui nec mors tribuenda est. In ligno enim caro, non illa operatrix omnium substantia diuina

*Aug. lib de fide ad Pet. cap 2. ante medium Super Ioan. tract. 78. ad id. Si diligere retis me. Ioan. 14 in fine, in to 9.*

*Amb. in lib. de incarnationis dominice sacramento, ca. 5. post mediū, Iob 28. 6*

*Ibid. paulo superius.*

pendebat. Confitemur tamen Christum pependisse in ligno, & iacuisse in sepulchro, sed in carne sola: & fuisse in inferno, sed in anima sola.

*Quod Christus ubiq; totus est, sed non totum: ut totus est homo vel Deus, sed non totum.* C

Et utiq; totus eodem tempore erat in inferno, in cœlo totus, ubiq; totus. Persona enim illa æterna nō maior erat, ubi carnē & animam simul unitam sibi habebat, quam ubi alterum tantū: nec maior erat ubi utrunq; simul: vel alterū tantum unitum habebat, quam ubi erat neutrum habens unitum. Totus ergo Christus & perfectus ubiq; erat. Vnde Aug. Nō dimisit patrē Christus cum venit in virginē, ubiq; totus, ubiq; perfectus. Vno ergo eodemq; tēpore totus erat in inferno, totus in cœlo. Erat apud inferos resurrectio mortuorū, erat super cœlos vita viventium: verē mortuus, verē viuus: in quo & mortē susceptio mortalitatis excepit, & vitā diuinitas nō perdidit. Mortē ergo Dei filius & in anima non percussit, & in maiestate non sensit: sed tamē participatione infirmitatis rex gloriæ crucifixus est. Ex his apparet, quod Christus eodē tempore totus erat in sepulchro, totus in inferno, totus ubiq; sicut & modo totus est ubicunq; est, sed non totum. Nec in sepulchro, nec in inferno totū erat, & si totus, sicut Christus totus est Deus, totus homo, sed & Deus & homo. Totum enim ad naturā refertur, totus autem ad hypostasim: sicut aliud & aliquid ad naturam, alius vero & aliquis ad personam referuntur. Vnde Ioan. Damasc. Totus Christus est Deus perfectus, nō autem totum Deus est. Non enim solū Deus est, sed & homo, & totus homo perfectus. Non autem totum homo: nō solum enim homo, sed & Deus. Totum enim naturæ est representatiuum. Totus autem, hypostaseos: sicut aliud quidem est naturæ, alius hypostaseos, sic & huiusmodi.

*Aug. contra Felician. de Unitate Tri. ad Optatum c. 14. ad princip. tom. 6. In princ. cap. 16. eiusdem libri.*

*Libr. de orthodoxa fide 3. c. 7. in fin.*

*Sic*